


6.3 Ximonel ruq'ab'al samaj



Nukanoj to'ik kik'in ri molojri'il, winaqi' richin ri tinamit richin nkinuk' samaj richin ruq'atik ri k'ayewal pa pixab'anik, ch'uch'ujilnem richin man janipe' k'ayewal xtilitaj chuqa' xtutzir ta pe chik ri tinamit.



6.3.1 Rusamaj ri k'amöl b'ey

- Nub'an chi tib'an ri samaj runuk'un ri ruq'ab'al samaj.
- Kan nrichinaj ri samaj k'o pa ruq'a' ri Tijonem moloj.
- Nuya' kisamaj ri ch'aaq' chik winaqi' e k'o pa ri ruq'ab'al samaj.
- Nujäch apo chwäch ri tijonem moloj ri runuk'ulem samaj richin ri jun juna'.

6.3.2. Rusamaj ri ruq'ab'al samaj

- Nuxim rusamaj rik'in ri k'amöl b'ey richin ri Tijonem moloj, ri samaj nuch'ojij richin man xtik'ulwachitaj ri k'ayewal, ri k'atzinel wi xtik'ulwachitaj, chuqa' toq xik'o yan ri k'ayewal.
- Rukanoxik kib'i' chuqa' ri kachochib'al ri jalajöj taq molaj chuqa' ri winaqi' ri tikirel yeto'on we k'o ta jun k'ayewal.
- Rukanoxik to'ik ri nuch'ojij ri k'ayewal.
- Rukanoxik ruto'ik ri tijob'al richin yeruto' ri xkil k'ayewal.
- Nutz'ët wi e nuk'un ri ruq'ab'al ri samaj e k'atzinel wi k'o ta k'ayewal nk'ulwachitaj.
- K'o chi ntz'et janipe' ak'wala' chuqa'

winaqi' e k'o, richin ntz'et achike ri k'atzinel we kan k'o ta jun k'ayewal nk'ulwachitaj.

- Nutz'ët achike je' ta k'o richin nokisäx wi kan ta k'o jun k'ayewal. (samajib'al, ch'ich', ke ri' k'a ch'aaq' chik.
- Ntz'et janipe' e k'o, ntz'et richin nq'alajin achike ri e k'o achike k'a ri manaq, chuqa' chi tiq'alajin achoq ruma toq man e k'o ta.
- K'atzinel chi etamatel jeb'ël ri tijoxela' xe'elesäx.
- Nuya' rutzijol chi re ri k'amöl b'ey richin ri moloj ri achike je' samaj yeb'an.
- Nukanoj kik'in ri jalajöj taq moloj we kan ta k'o ketamab'al pa ruwi' ri k'ayewal, chuqa' richin yetijöx ri winaqi'.



6.4 Elesanem ruq'ab'al samaj

Nuya' ruchuq'a' chuqa' nub'an ri samaj k'atzinel richin ye'elesäx ri winaqi'. K'o k'a chi jun tijonel pa'al chwäch, k'o k'a chi e k'o ka'i' tijoxela' richin jujun ruq'a' rupapalb'al tijonik. Re' k'o chi nsamäj chi runuk'ik' ri samaj, toq najin ri k'ayewal chuqa' toq xik'o yan ri k'ayewal.



6.4.1 Rusamaj ri k'amöl b'ey

- Nuya' rejqalem chuqa' nutz'ät wi nb'an ri samaj k'o chi nb'an.
- K'o chi nrichinaj rusamaj ri tijonem moloj.
- Nujäch k'a samaj pa kiq'a ri e k'o pa ri ruq'ab'al samaj.
- Nujäch k'a apo pa kiq'a' ri tijonem moloj ri runuk'ulem samaj pa ruwi' ri ruq'atik k'ayewal.

6.4.2. Rusamaj ri ruq'ab'al samaj

- Nunük' ri rub'eyal ye'elesäx ri winaqi' wi kan ta k'atzinel.
- Nuya' rutzijol ri rub'eyal ye'elesäx ri winaqi'.
- Nutz'ät k'a achike ta winaqi' chuqa' achike k'o kik'in richin ta yekelesaj ri winaqi'.
- Nukanoj ri akuchi' ta tikirel yekelesaj ri winaqi', nkib'an ta k'a rulewal ri elesanem.

- Nukanoj rub'eyal richin nkiya' rutzijol pa aninäq.
- Nutojto'ey chuqa' nuchojmirisaj ri runuk'ulem ri elesanem ruq'ab'al samaj.
- Nuk'waj kib'ey ri winaqi', k'o k'a chi üt' chuqa' aninäq ye'uk'we'x ri akuchi' kan jikil yek'oje' wi ri jujun ruqa' rupalb'al tijonik, richin k'a man nkixib'ij ki' ri winaqi'.
- Nujikib'a' chi konojel ri winaqi' ye'elesäx wi k'o jun k'ayewal.
- Nunük' ri rutojto'eyxik ri elesanem.
- Nuxim rusamaj kik'in ri ch'aqa chik ruq'ab'al samaj chuqa' ri to'onela'.
- Nukanoj moloj ri ntijon ta kichin pa ruwi' rusamaj ri ruq'ab'al samaj.
- Tokisäx ri ch'ab'al chuqa' ri rub'eyal nya'ox ta rutzijol k'an k'atzinel, richin konojel ri winaqi' nq'ax chi kiwäch ri rub'eyal ri elesanem.
- Tiya'öx retal ri akuchi' ta nb'an wi ri elem pa ri tijob'al, wi k'o ta jun k'ayewal.

Runuk'ulem elesanem

